

*lior vesica reddatur, febrisque assidua fuerit, laborantem intra primos morbi circuitus moriturum sperandum est.*

Patet totius præcepti explanatio ex superioribus.

*Ibid. p. 46. 32.*

Urinæ multum  
indicare creditur  
Hippocrati.

*Qui verò superfuturos ex morbo, & morituros, eosque quibus pluribus diebus, & paucioribus perseverabit morbus, recte prænoscere volet, in intelligentia comprehensam omnium signorum doctrinam æstimare debet, & eorum vires inter se collatas ratione expendere, velut scriptum est, cum in aliis, tum in urinis, & sputis, ubi una & pus & bilis tussi rejecta fuerint.*

## Ex primo Prorrheticorum, seu Prædictorum t. 4.

Decolor cum nigro suspenso phrenitidem portendit.

**I***n iis qui præter rationem perturbantur, & vigiliis torquentur, urinae decolores, nigris sublimamentis intersperse cum tenuibus sudoribus circa caput abortis phrenitidem prænunciant.*

Perturbationes, & vigiliæ cum urina decolore indicant partes crassas ad caput colligi, nigra sublimamenta easdem partes esse maximè sejunctas à liquidis &c. ut patet ex antecedentibus.

29.

*Si quibus urinae non recordantibus nec admonitis effluunt, perniciæ portenditur. Animadvertendum etiam est, num ab iis tales redduntur, quales fiunt ubi subsidentiæ conturbaveris.*

Hic ipse textus in Coacis inter eos, quos superius exposuimus; illum proinde consule.

32.

*Surditas cum urinis prærubris non subsidentibus, & sublimamentis mentis emotionem ominantur &c.*

Prærubra non subsidens cum engoremate, &

Prærubra enim urina, & non subsidens cum engoremate magnam indicat copiam durarum partium humoribus ita affixarum, ut non coquantur,

tur, sed solum tenuius aliquid fluat ad constituendum enæorema: cum autem surditas indicet ejus materiæ duræ partem præcipuam ad caput subsistere, hinc emotio mentis per eas affectiones indicata.

surditate, mentis  
emotionem.

37.

*Femoris dolore evanescente, si quid sublime per urinam innatet, mentis emotionem expectare oportet, taliaque qualia circa aurium sonitus contingunt.*

Quoniam femur est pars maximorum musculorum, seu maximæ pressionis; evanescente igitur dolore, si per coctionem evanescat, erit illa propter pressionem absoluta, unde sedimentum in urina, non enæorema. Si igitur hoc appareat, evanuerit dolor, vel debilitate partis, vel stimulo, vel affluxu cum impetu novæ materiæ, unde fluat cum sanguine materia peccans incocta, & ad partes præcipuè subsistet, in quibus maxima pressionis vis, nempe ad cranium interius, unde mentis emotio.

Urina cum enæo-  
remate post seda-  
tum dolorem fe-  
moris, mentis ali-  
enationem.

39.

*In gradibus malis tenues maxime circa caput sudores oboriri, & corporis incontinentia quadam jactari, malum indicat; tum verò præcipue perniciæ intenditur, si ista cum urinis nigris contigerint, & spiritus magnus, & concitatus adsuerit.*

Nigra in magnis  
malis exitialis.

Totum hoc pulcherrimum patet partim ex dictis, partim ex Anatomicis nostris.

51.

*Urinarum in præcipitibus malis ex perfrictione interceptiones, pessima.*

Et hoc in Coacis.

53.

*In gradibus malis, & biliosis exactè candicantes, spumantes, & circumbiliosæ egestionos mala sunt, quin & hujusmodi urinæ damnantur. In his animadvertendum, nùm jecur affectum sit.*

In ejusmodi enim urinis crassæ partes relinquuntur in corpore, unde candicantes &c.

95.

*Quin & laboriosæ urinæ damnantur, atque ab his detentæ rubræ que-*

*quædam efflorescentia, & eruginosa, parvæque veluti quædam stiliæ apparentes.*

Et hæc ex Coacis etiam petes.

75.

*Crebri ex dorso horrores subinde locum commutantes, graves, & difficiles, laboriosam urinæ suppressionem minantur.*

Et hoc ex Coacis, & est vel per convulsionem, vel per crassum quid cum Urina in Renibus.

110.

*In iis, quibus rigores imminet, urinæ restitatur, & in convulsivis affectionibus velut huic mulieri contingit, quæ ubi inhorruit, sudore correpta est. Et hoc in Coacis expositis.*

120.

*Vesica intercepta præsertim cum capitis dolore convulsionem minatur &c. Et hoc ex Coacis expositis.*

153.

*In his, quæ ad aures abscedunt urinæ, quæ celeriter, & parvo tempore concoquantur, damno sunt, quin & perfrigerari itidem malum est. Et hoc in Coacis expositis.*

155.

*Urinæ, quæ cum rigore restitunt, damno sunt, idque præsertim si altus sopor præcesserit. Animadvertendum est, num in his abscessus ad aures sperare oporteat.*

Et hoc similiter in Coacis.

Alia aliquot ex primo hoc libro addi potuissent, sed, vel quia etiam ipsi Hippocrati dubia videntur, à nobis omissa sunt, vel quia nimis obvia, & nihil singulare contineant.

*Ex 2. Prædictorum p. 103.*

Plurimum valent  
in oculorum af-  
fectibus.

Patet quantum Urinis tribuerit Hippocrates etiam in affectibus oculorum, de lippitudinibus enim differens ait. *In primis verò in oculorum affectibus urinæ status in considerationem adhibendus est, occasio namque præceps est, & lubrica.*

DE